



Broj: 09/2-16-8-45522-17/23
Sarajevo, 13.02. 2024. godine

Na osnovu odredbi člana 69. stav (1) tačka b), kao i člana 70. stav (1), (4) i (6) Zakona o javnim nabavkama BiH ("Službeni glasnik BiH", br. 39/14 i 59/22), te prijedloga Komisije za nabavke utvrđenog u Zapisniku, broj: JN1-16-8-45522-16/23 od 29.01.2024. godine, u postupku javne nabavke usluga osiguranja službenih vozila Ministarstva inostranih poslova BiH za LOT-1 - Osiguranje vozila od automobilske odgovornosti i autonezgode, **d o n o s i m:**

ODLUKU **o poništenju postupka javne nabavke**

Poništava se postupak javne nabavke usluga osiguranja službenih vozila Ministarstva inostranih poslova BiH u dijelu LOT-1 - Osiguranje vozila od automobilske odgovornosti i autonezgode iz razloga što prva dva ponuđača, koja su najpovoljnija, imaju u potpunosti jednake cijene ponude nakon održane e-Aukcije.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Ova odluka stupa na snagu sa danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka, broj: 09/2-16-8-45522-1/23 od 11.12.2023. godine, u kojoj je predviđeno da procijenjena vrijednost javne nabavke iznosi 35.000,00 bez PDV-a, od čega za LOT-1 iznosi 7.000,00 KM bez PDV-a.

Obavještenje o nabavci objavljeno je na Portalu javnih nabavki dana, 28.12.2023. godine pod brojem: 253-7-2-47-3-74/23 i u „Službenom glasniku BiH“, broj: 01/24 od 05.01.2024. godine.

Javna nabavka je provedena putem konkurentskog zahtjeva za dostavljanje ponuda i istom je predviđeno provođenje e-Aukcije.

Komisija je Zapisnikom o pregledu i ocijeni ponuda u postupku javne nabavke usluga osiguranja službenih vozila Ministarstva inostranih poslova BiH, broj: JN1-16-8-45522-16/23 od 29.01.2024. godine konstatovala da su do roka za prijema ponuda, 10.01.2024. godine, pristigle ponude sljedećih ponuđača za LOT-1:

1. „Adriatic osiguranje“ a.d. Sarajevo, dana, 10.01.2024. godine u 09:10 časova, sa ukupnom cijenom ponude u iznosu od 5.993,60 KM bez PDV-a,
2. „Euroherc osiguranje“ a.d. Sarajevo, dana, 10.01.2024. godine u 09:25 časova, sa

- ukupnom cijenom ponude u iznosu od 5.993,12 KM bez PDV-a,
3. „Sarajevo osiguranje“ a.d. Sarajevo, dana, 10.01.2024. godine u 09:39 časova, sa ukupnom cijenom ponude u iznosu od 5.993,12 KM bez PDV-a i
 4. „ASA Central osiguranje“ a.d. Sarajevo, dana, 10.01.2024. godine u 09:40 časova, sa ukupnom cijenom ponude u iznosu od 6.976,60 KM bez PDV-a.

Nije bilo neblagovremeno pristiglih ponuda.

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da ponude ponuđača „Euroherc osiguranje“ a.d. Sarajevo, „Sarajevo osiguranje“ a.d. Sarajevo i „ASA Central osiguranje“ a.d. Sarajevo ispunjavaju formalno-pravne, ekonomske i tehničke uslove tenderske dokumentacije, te su iste prihvatljive i mogu biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Komisija je ponudu ponuđača „Adriatic osiguranje“ a.d. Sarajevo proglasila neprihvatljivom, jer ista nije sadržavala kvalifikacioni dokaz definisan pod tačkom 3.3.2 tenderske dokumentacije, odnosno potvrdu o isplati oštetnih zahtjeva izdatu od strane nadležnog organa koji se bavi nadzorom u oblasti osiguranja u zemlji registracije ponuđača. Navedeni ponuđač je dostavio Uvjerenje nadležne agencije o stopi efikasnosti rješavanja oštetnih zahtjeva, iz kojeg se ne može vidjeti dokaz o postavljenom uslovu iz tačke 3.3.1 a) tenderske dokumentacije.

Komisija je u skladu sa tačkom 5.4 tenderske dokumentacije, izvršila provjeru računске ispravnosti pristiglih ponuda i utvrdila da iste nemaju računskih grešaka.

Na osnovu prethodno navedenog, a u skladu sa tačkom 2.5.1. tenderske dokumentacije, kojom je utvrđen kriterij za dodijelu ugovora „najniža cijena“, Komisija je konstatovala da su se za proceduru provođenja e-Aukcije za LOT-1 kvalifikovali sljedeći ponuđači:

1. „Euroherc osiguranje“ a.d. Sarajevo, sa ukupnom cijenom ponude u iznosu od 5.993,12 KM bez PDV-a,
2. „Sarajevo osiguranje“ a.d. Sarajevo, sa ukupnom cijenom ponude u iznosu od 5.993,12 KM bez PDV-a i
3. „ASA Central osiguranje“ a.d. Sarajevo, sa ukupnom cijenom ponude u iznosu od 6.976,60 KM bez PDV-a,

i dala preporuku da se isti pozovu na učešće u e-Aukciji.

Nakon završene e-Aukcije za LOT-1, održane dana, 15.01.2024. godine u 14:30 časova, Komisija je na osnovu Izvještaja o toku i završetku e-Aukcije, formirala konačnu rang listu ponuđača za LOT-1, kako slijedi:

1. „Sarajevo osiguranje“ a.d. Sarajevo, sa ukupnom cijenom ponude u iznosu od 5.993,12 KM bez PDV-a,
2. „Euroherc osiguranje“ a.d. Sarajevo, sa ukupnom cijenom ponude u iznosu od 5.993,12 KM bez PDV-a i
3. „ASA Central osiguranje“ a.d. Sarajevo, sa ukupnom cijenom ponude u iznosu od 6.979,60 KM bez PDV-a.

Komisija je analizirajući formiranu rang listu ponuđača uočila da prva dva ponuđača, koja su najpovoljnija, imaju u potpunosti jednake cijene ponude i na osnov stava Agencije za javne nabavke BiH, objavljenog na portalu Agencije dana, 17.06.2019. godine, jednoglasno dala preporuku ministru inostranih poslova BiH da poništi postupak javne nabavke usluga

osiguranja službenih vozila Ministarstva inostranih poslova BiH u dijelu LOT-1 - Osiguranje vozila od automobilske odgovornosti i autonezgode.

Uzimajući u obzir prethodno navedeno, odlučeno je kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi, najkasnije u roku od 5 (pet) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

MINISTAR

Elmedin Konaković

DOSTAVITI:

1. Ponuđačima,
2. Odsjek za opšte poslove, arhiv i dokumentaciju i
3. a/a.

